



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 23. Condemnantur errores.

[urn:nbn:de:hbz:466:1-66293](https://nbn-resolving.de/urn:nbn:de:hbz:466:1-66293)

Sæcul. XIV.
A.C. 1372.

§. XXIII.

Condemnantur errores.

n.33.

In Germania Albertus Halberstadiensis Episcopus dictitabat, hoc in orbe fieri omnia per necessitatem; ex fato penderre vitam, & mortem cujusque hominis; de nulla re consilium, aut deliberationem habendam esse; vim siderum necessario influere in quoslibet actus hominum. Cumque hic Præsul eruditio[n]is fama floreret ut Doctor Parisiis creatus: multi, præsertim Nobiles, sermonibus ejus commoti vacillare in fide, non Cælites, non Deum precari, & opera bona negligere coeperunt.

Buletin.
p.21.

Papa re comperta Præposito Herfordiano, Dominicano per illa loca Inquisitori, & cuidam Augustiniano Theologæ Doctori 15 Martii an. 1372 dedit hoc mandatum: Si videritis ita esse, Episcopum jubebitis errorem suum coram vobis, suoque Clero, ac populo fateri, temere prolata retexere, & agnoscere, quod sint hæretica. Publicæ actus istius tabulæ conficientur! Destinabitis ei tempus, intra quod hæc agat. Si non obdierit interea, eum ad tribunal nostrum citabitis, pro quo se sistat duos intra menses. Sive autem pareat, sive non; has propositiones palam declarabitis hæreticas,

reticas, & a Romana Ecclesia conde-
mnatas.

Sæcul. XIV.
A.C. 1372.

Papa etiam audiit in quibusdam Si-
ciliæ locis esse homines, qui non dubita-
rent Dulcini discipulos, & Fratres *vitæ
pauperis*, et si a Summa Sede damnatos,
Sanctorum instar colere; illorum ossa, ut
sacræ reliquias asservare; in eorum ho-
norem templa, vel sacella condere; quot-
annis ea magnas per turmas, & cum lu-
minibus obire die mortis istorum com-
mentitorum Cælitum. Igitur Episcopis
Siculis 12 Sept. scripsit Papa, ut has su-
perstitiones in posterum arcerent non mo-
do per censuras ecclesiasticas, verum e-
tiam, si foret opus, per auxiliarias civilis
Magistratus vires.

Rayn. n. 36.
Sup. Lib. gr.
§. 33.

§. XXIV.

S. Andreas Corsinus.

Ineunte anno 1373 obiit verus Sanctus,
nempe Andreas Corsinus Fesulanus
in Hetruria Episcopus, Florentiæ nobili
Corsinorum familia ortus sub annum
1302. Antequam nasceretur, parentes
ejus Deo promiserant primum conjugii *Boll. 29.*
Jan. 10. 2.
sui fructum. Sed initio Andreas non *p. 1061.*
respondit eorum consiliis. Anno ætatis
duodecimo esse liberior, & disciplinæ im-
patiens cœpit, pergebatque tres circiter

R 3 annos.